

Koordineringsrådet – referat

Føremål: Møte i Koordineringsrådet

Møtetid: 28.April 2021 kl. 10.00 – 11.30

Stad: Digitalt møte - virtuelt møterom: 717458

Deltakarar:			
Namn	Tittel	Eining	Fråvær
Arve Varden	Administrerande direktør	Helse Førde HF	
Børge Tvedt	Klinikkdirktør PHV	Helse Førde HF	
Anne Kristin Kleiven	Utviklingsdirektør	Helse Førde HF	
Evy-Helen Helleseth	Fagdirektør	Helse Førde HF/ Fagrådet	
Trine Vingsnes	Klinikkdirktør MED	Helse Førde HF	
Tone Holvik	Stadleg leiar NSH	Helse Førde HF	
Marte Ulltang	Samhandlingssjef	Helse Førde	
Ole John Østenstad	Kommunedirektør	Sunnfjord kommune/ SIS	
Åslaug Krogsæter	Kommunedirektør	Stad kommune/ Nordfjord	
Håkon Loftheim	Kommunedirektør	Askvoll kommune/ HAFS	
Gunn Lerøy	Kommunedirektør	Lærdal kommune/ Sogn	
Jan Helge Dale	Kommuneoverlege	Kinn kommune/ Fagrådet	
Elin Sørbotten	Samhandlingskoordinator	Interkommunal samhandlingskoordinator	
Eilif K Berdal	Leiar brukarutvalet	Felles Brukarutval Sogn og Fjordane	
Gro Indrebø	Felles brukarutval	Felles Brukarutval Sogn og Fjordane	
Observatørar:			
Linda Svori	Assisterande fylkeslege	Fylkesmannen i Vestland	X
Sjur Lehmann	Assisterande fylkeslege spes.h.t.	Fylkesmannen Vestland	X
Clara Øberg	Direktør for tannhelsetenesta	Vestland Fylkeskommune	x
Frode Kyrkjebø	Dagleg leiar	KS Sogn og Fjordane	x

Sak nr.	Tema:	Tidsrom:	Ansvar:
09/ 2021	Velkommen, godkjenning av innkalling, sakliste og referat. Aksjonspunkt frå sist møte: - Samhandlingsavvik - Arbeidsgruppe utviklingsplanen Helse Førde	10.00 – 10.10	Håkon Loftheim, kommunedirektør, Askvoll kommune – leiar koordineringsrådet
10/2021	Orientering om prosjekt Campus Vie	10:10- 10:30	Anne Kristin Kleiven
11/2021	Orientering om Vestlandslegen	10:30- 10:50	Anne Kristin Kleiven
12/2021	Orientering om at helseføretaka skal ta i mot tilvisingar og rettighetsvurdere for private avtalespesialister frå 2021	10:50- 11:10	Børge Tvedt
13/2021	Orientere om status stadleg leiar Lærdal og utlysing stilling samhandlingssjef	11:10- 11:15	Anne Kristin Kleiven
14/2021	Evt/avslutning - Invitasjon til statsforvalter om deltaking til neste møte i koordineringsrådet. Innspel til saker frå deltarane. - Deltaking av tilsetteorganisasjonane i framtidig helsefellesskapsstruktur. (Marte U) - Kurs for LIS legar som er legevaktspersonell i kommunane har vore utført av ambulansetenesta i Helse Førde. Statsforvalter har sagt opp avtala med HFD og lyst desse kursa ut på anbod. Drøfting i møte. (Anne Kristin)	11:15- 11:30	Håkon Loftheim

Sak nr.	Referat:
09/ 2021	Leiar Håkon Loftheim føretok opprop og ønska velkommen til det fulldigitale møtet. Innkalling og sakliste godkjend. Referat frå siste møtet godkjend.

	<p>Elin Sørbotten gjorde greie for aksjonspunkt frå sist møte:</p> <ul style="list-style-type: none"> - Samhandlingsavvik - Arbeidsgruppe utviklingsplanen Helse Førde
10/2021	<p>Utviklingsdirektør Anne Kristin Kleiven orienterte kort om prosjekt Campus Vie Helse Førde og Høgskulen på Vestlandet har sett i gang eit forprosjekt som skal vurdere behov for, og tilrå løysingar for felles arealutfordringar. HVL førebur ein søknad om å bli universitet med profesjons- og arbeidslivsprofil frå 2023, noko som òg vil medføre kompetanse-, areal- og andre infrastrukturbehov knytt til m.a. forsking og innovasjon.</p> <p>Forprosjektet skal</p> <ul style="list-style-type: none"> • Konkretisere kva som må til for å lukkast. Felles fysiske lokale er eitt av vilkåra. Forprosjektet skal gje tilråding om kva aktivitetar som bør vere samlokaliserte. Sluttrapporten skal synleggjere alternativ og gje framlegg til løysing på areal, og synleggjere kva funksjonar, aktivitetar, kva interesserar utanom HVL og HFD som er aktuelle, behov, moglege finansieringsmodellar, synergiar og organisering av samlokaliseringa og samarbeidet • Sjå både på det kortsiktige behovet og løysingar for dette, som dreiar seg om flytting frå eksisterande leigde lokale andre plassar i Førde, og eit langsigktig behov og aktuelle løysingar. • Koblast tett saman med dei to pågåande prosjekta Nye Førde sjukehus og Campusutvikling HVL. Sistnemde er eit prosjekt initiert av Kunnskapsdepartementet, der HVL skal legge ein plan for utvikling av alle dei fem campusane til HVL¹. <p>Sluttrapport skal leverast november 2021.</p> <p>Koordineringsrådet tok orienteringa til vitande</p>
11/2021	<p>Kort orientering om Vestlandslegen av Utviklingsdirektør Kleiven</p> <p>Ein rapport om «Studieplasser i medisin i Norge – Behov, modeller og muligheter» frå 2019, gir råd om at Noreg organiserer seg slik at vi sjølv utdannar 80% av dei legane landet har bruk for. For å nå dette målet må det tal studieplassar i medisin i Noreg aukast med 440. Etablering av studieplassar i dette omfanget vil kreve betydelege ressursar både i form av kapital, akademisk kompetanse og infrastruktur.</p> <p>Vestlandslegen er tenkt som eit kompetanseløft for helsetenesta i heile landsdelen. Det skal tilføre helsetenestene i Helse Vest akademisk kompetanse, styrke kvaliteten og konkurransekrafta til forskingsmiljøa, betre samarbeidet mellom helseføretaka, og betre rekrutteringa i regionen, både i og utanfor sjukehus. Dette medfører at ressursar og kompetanse på heile Vestlandet kan byggast ut og takast i bruk i medisinutdanninga.</p> <p>Helse Førde har i høyringa til rapporten støtta konseptet Vestlandslegen. HFD ser det som viktig å bidra til å auke andelen av legar utdanna i Noreg generelt og ser især gevinstar for helseføretaket i eit slikt samarbeid som Vestlandslegen representerer, ikkje minst i eit rekrutteringsperspektiv for både kommunane og spesialist.</p>

	Fleire av rådsmedlemmene applaudeerte initiativet både på vegne av kommunane og føretaket, og ønska helseføretaket lukke til med arbeidet. Koordineringsrådet tok orienteringa til vitande.
12/2021	<p>Klinikkdirektør Børge Tvedt orienterte om at helseføretaka frå 1.03.2021 skal ta i mot tilvising og rettighetsvurdere for private avtalespesialister.</p> <p>Dei regionale helseføretaka, Legeforeningen og Psykologforeningen har i reviderte nasjonale rammeavtalar avtalt at alle tilvisingar innan psykisk helsevern skal sendast til helseføretaka, «ein veg inn». Dette inneber at alle tilviste pasientar innan psykisk helsevern skal bli rettighetsvurdert og tildelt pasientrettigheter av helseføretaka. Avtalespesialistane kan berre få tildelt pasient som har fått rett til nødvendig helsehjelp av helseføretaket.</p> <p>Helse Førde ønskjer at vurdering av tilvisingar til avtalespesialistar skal gå føre seg i etablert vurderingseining ved kvart DPS, som i praksis vil sei at lokal poliklinikk og skal vurdere tilvising til avtalespesialister i eige opptaksområde. Helse Vest har gitt tilslutning til at Helse Førde kan organisere det slik lokalt, trass i at ein elles vurderer eit felles tilvisingsmottak i kvart HF.</p> <p>Det vert etablert ei arbeidsgruppa som skal organisere og operasjonalisere tilvisingsmottak for Helse Førde og private avtalespesialister i opptaksområdet i samsvar med regionalt prosjekt og prosjektdirektiv.</p> <p>Det vart etterlyst brukarrepresentasjon inn i arbeidsgruppa, noko Tvedt lovde ville bli vurdert saman med andre tilbakemeldingar som også vart presentert i møtet.</p> <p>Koordineringsrådet tok orienteringa til vitande.</p>
13/2021	<p>Orientering om status stadleg leiar Lærdal og utlysing stilling samhandlingssjef frå utviklingsdirektør Kleiven og administrerande direktør Arve Varden.</p> <p>Vidar Øvrebø er konstituert i stilling som stadleg leiar LSH ut dette året.</p> <p>Stilling som samhandlingssjef vert utlyst i nærmeste framtid.</p> <p>Kommunedirektørane i Sogn er opptekne av kva tankar HFD har vidare for funksjon for lokal stadleg leiar ved LSH. I høve til arealplan og samhandling med kommunane vert det meld at intern leiarstruktur i HFD vert opplevd som utfordrande å forhalde seg til. AD signaliserer at det vert invitert til møte mellom føretaket og kommunane snarast.</p>
14/2021	<p><u>Eventuelt:</u></p> <p>Aktuelle saker å drøfte med statsforvaltaren:</p> <p>Elin Sørbotten informerte om tidlegare praksis i høve til statsforvaltaren sin invitasjon og deltaking til møta i koordineringsrådet, og AD HFD supplerte med informasjon. Frå kommunesektoren vert det meld om at dei kjenner på tapet av møteforum for felles dialog med statforvaltaren etter etableringa av det nye storfylket Vestland. Etter litt diskusjon vart det avgjort at ein held på dagens praksis og inviterer statsforvaltaren og fylkeslegen i framtida når vi har særskilde konkrete saker. Det kom ikkje innspel til saker frå deltakarane i dette møtet, men deltakarane vart invitert til å melde til samhandlingskoordinator om aktuelle saker til seinare møter.</p>

	<p>Kst. samhandlingssjef Marte Ulltang informerte om at det er kome innspel om deltaking frå tilsetteorganisasjonane i helseføretaket i framtidig helsefellesskapsstruktur. Det vert synt til at det ikkje føreligg nasjonale retningslinjer for slik deltaking, og etter noko drøfting vart det beslutta at ein avventar at overordna retningslinjer omhandlar tema. Det vert peika på verdien av godt samarbeid med arbeidstakarorganisasjonane, og det er bra at desse spørsmåla kjem no før nytt helsefellesskap vert endeleg etablert.</p> <p>Deltaking av arbeidstakarorganisasjonane var ikkje spesifikt drøfta då skissa for helsefellesskap vart utforma, men det har vore diskutert kven av alle felles samarbeidspartar som bør delta i faste møtepunkt. Her vert det synt til utfordringane med store møteplassar dersom vi skal kunne drøfte og vedta saker.</p> <p>Arbeidstakarorganisasjonane er mange, og ein stillar spørsmål kring korleis ein praktisk skal kunne gjennomføre dette. Ei rask kartlegging syner at i helseføretaket aleine er det totalt 13 arbeidstakarorganisasjonar, og for kommunane er det vanskeleg å skulle sjå felles representasjon av arbeidstakarorganisasjonane på tvers av kommunegrenser.</p> <p>Ein syner til viktigheita av å involvere arbeidstakarorganisasjonane i konkret arbeid der tilsetteinvolvering er viktig for godt resultat. Koordineringsrådet ynskjer at saka vert drøfta i arbeidsgruppa som har utarbeidd skissa til nytt helsefellesskap og at det kjem ei tilråding som medlemmane av koordineringsrådet kan ta stilling til.</p> <p>Koordineringsrådet sender spørsmålet vidare til arbeidsgruppa for etablering av nytt helsefellesskap, og ber om at det vurdert som hensiktsmessig å innlemme arbeidstakarorganisasjonane i dei nye samhandlingsorgana. Samhandlingssjef og interkommunal samhandlingskoordinator fylgjer opp saka, og tek med aktuelle signal og innspel frå koordineringsrådet.</p>
	<p>Utviklingsdirektøren informerte om kurs for LIS legar som er legevaktspersonell i kommunane og som har vore utført av ambulansetenesta i Helse Førde. No har statsforvalteren sagt opp avtala med HFD og lyst desse kursa ut på anbod. Kommunelege Jan Helge Dale supplerte med informasjon frå korleis ordninga har fungert i kommunane. Etter noko drøfting i møtet ber koordineringsrådet HFD om å tilrettelegge – eige vedtak frå koordineringsrådet til statsforvaltaren.</p> <p>Vedtak: Koordineringsrådet meiner det er uheldig at Statsforvaltaren no vel å lyse ut anbod på rammeavtale for levering av kurs i akuttmedisin for LIS 1. Akuttmedisin er eit av satsingsområda i helsefellesskapa, og det er derfor uheldig at opplæringa i akuttmedisin vert trekt ut av samarbeidet mellom helseføretaka og kommunane. Dette gjer at mogelegheit for samtrening og opplæring mellom aktørane i den akuttmedisinske kjeda blir svekt, og kjem direkte i strid med intensjonane i helsefellesskapa.</p> <p>Koordineringsrådet oppmodar Helse Førde å legge til rette for å leve anbod slik at dei fortsatt kan vere arrangør av akuttmedisinkurset for LIS 1 legar og fastleggar i spesialisering, om dette er innanfor dei reglar som gjeld for helseføretaket.</p> <p>Kurset der unge legar får møte kurshaldarar som dei seinare skal samarbeide med i den lokale akuttmedisinsk kjeda, har vore viktig for å rekruttere og behalde legar i helseføretaket og kommunane i nedslagsfeltet.</p> <p>Til sist i møtet orienterte AD Varden kort om at det vert invitert til Dialogmøte mellom styret HFD og kommunane 11.juni.</p>



KOMMUNESEKTORENS INTERESSE- OG ARBEIDSGIVERORGANISASJON

The Norwegian Association of Local and Regional Authorities